

关于桃花的古诗

1.
樱桃花，一枝两枝千万朵。花砖曾立摘花人，窈破罗裙红似火。——元稹《樱桃花》
2.
露桃花里小楼深，持玉盏，听瑶琴。醉归青琐入鸳衾，月色照衣襟。山枕上，翠钿镇眉心。——顾夔《甘州子·露桃花里小楼深》
3.
菊花忽作桃花面，放眼难看九月黄。花不见桃惟见菊，又将红雨学啼妆。——朱翌《桃花菊》
4.
桃花水到报平渠，喜动新流见跃鱼。一枕羲皇午梦后，数行小试右军书。——黄图安《闲咏二绝·其二》
5.
林卧愁春尽，攀帷览物华。忽逢青鸟使，邀入赤松家。金灶初开火，仙桃正发花。童颜若可驻，何惜醉流霞。——孟浩然《清明日宴梅道士房/宴梅道士山房》
6.
花泾二月桃花发，霞照波心锦裹山。说与东风直须惜，莫吹一片落人间。——陆游《泛舟观桃花》
7.
犬吠水声中，桃花带露浓。树深时见鹿，溪午不闻钟。野竹分青霭，飞泉挂碧峰。无人知所去，愁倚两三松。——李白《访戴天山道士不遇》

8.
穆湖莲叶小于钱，卧柳虽多不碍船。两岸新苗才过雨，夕阳沟水响溪田。
屋上鸠鸣谷雨开，横塘游女荡船回。桃花落后蚕齐浴，竹笋抽时燕便来。
——朱彝尊《鸳鸯湖棹歌·一百首选二》

9.
小桃花动著枝浓。移得伴衰翁。多谢天公怜我，一时染就轻红。春光犹在，
花枝未老，莫放尊空。休倚半岩烟树，能消几度东风。——周紫芝
《朝中措·移桃花作》

10.
三十年来寻剑客，几回落叶又抽枝。自从一见桃花后，直至如今更不疑。
——志勤《三十年来寻剑客》

11.
鸚鵡来过吴江水，江上洲传鸚鵡名。鸚鵡西飞陇山去，芳洲之树何青青。
烟开兰叶香风暖，岸夹桃花锦浪生。迁客此时徒极目，长洲孤月向谁明。
——李白《鸚鵡洲》

12.
游子春衫已试单，桃花飞尽野梅酸。怪来一夜蛙声歇，又作东风十日寒。
——吴涛《绝句》

13.
江上人家桃树枝，春寒细雨出疏篱。影遭碧水潜勾引，风妒红花却倒吹。
——杜甫《风雨看舟前落花绝句》

14.
双飞燕子几时回？夹岸桃花蘸水开。春雨断桥人不度，小舟撑出柳阴来。
——徐俯《春游湖》

15.
种树临溪流，开亭望城郭。当年孟张辈，载酒来行乐。斯人久埃灭，节物今犹昨。
看取不言华，春风自相约。——贺铸《历阳十咏之九桃花坞》

》

16.

萋萋芳草春云乱，愁在夕阳中。短亭别酒，平湖画舫，垂柳骄骢。一声啼鸟，一番夜雨，一阵东风。桃花吹尽，佳人何在，门掩残红。——张可久《人月圆·春晚次韵》

17.

小桃灼灼柳鬢鬢，春色满江南。雨晴风暖烟淡，天气正醺酣。山泼黛，水挹蓝，翠相搀。歌楼酒旆，故故招人，权典青衫。——黄庭坚《诉衷情·小桃灼灼柳鬢鬢》

18.

穆湖莲叶小于钱，卧柳虽多不碍船。两岸新苗才过雨，夕阳沟水响溪田。屋上鸠鸣谷雨开，横塘游女荡船回。桃花落后蚕齐浴，竹笋抽时燕便来。——朱彝尊《鸳鸯湖棹歌》

19.

阖闾浦口路依微，笠泽汀边白板扉。照夜风灯人独宿，打窗江雨鹤相依。畏途岂有新知乐，老景空思故里归。拟问桃花泛春水，船头浪暖鳊鱼肥。——倪瓒《寄卢士行》

20.

玉树歌残迹已陈，南朝宫殿柳条新。福王少小风流惯。不爱江山爱美人。——陈于王《题桃花扇传奇》

21.

满树和娇烂漫红，万枝丹彩灼春融。何当结作千年实，将示人间造化工。——吴融《桃花》

22.

二月春归风雨天，碧桃花下感流年。残红尚有三千树，不及初开一朵鲜。——袁枚《题桃花》

23.

千叶桃花胜百花，孤荣春晚驻年华。若教避俗秦人见，知向河源旧侣夸。
。——杨凭《千叶桃花》

24.

隐隐飞桥隔野烟，石矶西畔问渔船。桃花尽日随流水，洞在清溪何处边？
——张旭《桃花溪》

25.

隔岸桃花红未半。枝头已有蜂儿乱。惆怅武陵人不管。清梦断。亭亭伫立春宵短。
——王安石《渔家傲·隔岸桃花红未半》

26.

老蕨漫山凤尾张，青枫直干如攒枪。山深岚重鼻酸楚，石恶淖深神惨伤。
。阴崖风生吹客急，草中枯株似人立。眈眈卓幕先下程，将士黄昏始相及。
——范成大《桃花舖》

27.

游子春衫已试单，桃花飞尽野梅酸。任来一夜蛙声歇，又作东风十日寒。
。——吴涛《绝句》

28.

紫陌红尘拂面来，无人不道看花回。玄都观里桃千树，尽是刘郎去后栽。
。——刘禹锡《元和十年自朗州至京戏赠看花诸君子/玄都观桃花》

29.

山源夜雨度仙家，朝发东园桃李花。桃花红兮李花白，照灼城隅复南陌。
。南陌青楼十二重，春风桃李为谁容。弃置千金轻不顾，踟蹰五马谢相逢。
。徒言南国容华晚，遂叹西家飘落远。的皪长奉明光殿，氛氲半入披香苑。
。苑中珍木元自奇，黄金作叶白银枝。千年万岁不凋落，还将桃李更相宜。
。桃李从来露井傍，成蹊结影矜艳阳。莫道春花不可树，会持仙实荐君王。
——贺知章《望人家桃李花诗词》

30.

肠断春江欲尽头，杖藜徐步立芳洲。颠狂柳絮随风去，轻薄桃花逐水流。
。——杜甫《绝句漫兴九首·其五》

31.

雨歇杨林东渡头，永和三日荡轻舟。故人家在桃花岸，直到门前溪水流。
。——常建《三日寻李九庄》

32.

一抹残红散绮霞，因风吹恨落谁家。那堪移向瑶池种，留得千年看实花。
。——赵希逢《和桃花·一抹残红散绮霞》

33.

一种玄都旧种花，谁将缟雪换蒸霞。群仙醉啖瑶池果，况核曾封白玉砂。
。——方回《碧桃花》

34.

边烽警榆塞，侠客度桑乾。柳叶开银镝，桃花照玉鞍。满月临弓影，连星入剑端。不学燕丹客，徒歌易水寒。——骆宾王《送郑少府入辽共赋侠客远从戎》

35.

问余何意栖碧山，笑而不答心自闲。桃花流水窅然去，别有天地非人间。
。——李白《山中问答》

36.

村南无限桃花发，唯我多情独自来。日暮风吹红满地，无人解惜为谁开。
。——白居易《下邳庄南桃花》

37.

落花天气半晴阴，好去寻芳傍碧林。是物含情知爱惜，莺声声里唤春深。
。桃花水到报平渠，喜动新流见跃鱼。一枕羲皇午梦后，数行小试右军书。
。——黄图安《闲咏二绝》

38.

桃萼正芳菲。初占春时。蒸霞灿锦望中迷。斜出繁枝临曲沼，鸾鉴妆迟。蜂蝶镇相依。天气融怡。空教追忆武陵溪。片片漫随流水去，风暖烟霏。——赵师侠《浪淘沙·桃花》

39.

去年今日此门中，人面桃花相映红。人面不知何处去，桃花依旧笑春风。——崔护《题都城南庄》

40.

一树红桃亚拂池，竹遮松荫晚开时。非因斜日无由见，不是闲人岂得知。寒地生材遗校易，贫家养女嫁常迟。春深欲落谁怜惜，白侍郎来折一枝。——白居易《晚桃花》

41.

华阳巾子碧绦环，紫府帘前旧押班。阿母筵头争一掷，醉中输却小蓬山。——袁宏道《桃花流水引四首·华阳巾子碧绦环》

42.

桃花几片隔墙飞，独自危楼徙倚时。目遂断鸿云外没，东风吹泪落天涯。——吴潜《占春亭即事三首·桃花几片隔墙飞》

43.

山滴岚光水拍堤，草香沙暖净无泥。只疑误入武林溪。两岸桃花烘日出，四围高柳到天垂。一尊心事百年期。——姜夔《浣溪沙·山滴岚光水拍堤》

44.

寻得桃源好避秦，桃红又是一年春。花飞莫遣随流水，怕有渔郎来问津。——谢枋得《庆庵寺桃花》

45.

人间四月芳菲尽，山寺桃花始盛开。长恨春归无觅处，不知转入此中来。——白居易《大林寺桃花》

46.

桃花浪暖锦层层，勤尔渔郎莫下罨。恐有鲤鱼鳞甲变，龙门三月要蜚腾。
。——唐寅《题画廿四首·桃花浪暖锦层层》

47.

春坞桃花发，多将野客游。日西殊未散，看望酒缸头。——张籍《和韦开州盛山十二首·桃坞》

48.

一春略无十日晴，处处浮云将雨行。野田春水碧于镜，人影渡傍鸥不惊。
桃花嫣然出篱笑，似开未开最有情。茅茨烟暝客衣湿，破梦午鸡啼一声。
。——汪藻《春日》

49.

缘云梯迳穿林麓，岁晚山寒风折木。司花为我发春妍，繁红几树惊愁目。
有美人兮在空谷，似笑漫山总粗俗。淡烟疏雨罗浮村，万里相将跨黄鹄。
。——杨冠卿《冬半山间忽见桃花客云江梅已芳且约一笑花下》

50.

苑外江头坐不归，水精宫殿转霏微。桃花细逐杨花落，黄鸟时兼白鸟飞。
。纵饮久判人共弃，懒朝真与世相违。吏情更觉沧洲远，老大徒伤未拂衣。
。——杜甫《曲江对酒》

51.

百叶双桃晚更红，窥窗映竹见玲珑。应知侍史归天上，故伴仙郎宿禁中。
。——韩愈《题百叶桃花》

52.

西塞山前白鹭飞，桃花流水鳊鱼肥。青箬笠，绿蓑衣，斜风细雨不须归。
。——张志和《渔歌子·西塞山前白鹭飞》

53.

不到东山向一年，归来才及种春田。雨中草色绿堪染，水上桃花红欲然。
。优娄比丘经论学，伛偻丈人乡里贤。披衣倒屣且相见，相欢语笑衡门

前。——王维《辋川别业》

54.

两株桃杏映篱斜，妆点商州副使家。何事春风容不得？和莺吹折数枝花。
。——王禹偁《春居杂兴》

55.

桃花开东园，含笑夸白日。偶蒙春风荣，生此艳阳质。岂无佳人色？但恐花不实。婉转龙火飞，零落早相失。讵知南山松，独立自萧瑟。——李白《古风其四十七·桃花开东园》

56.

江花先好还先落，二月芳菲已萧索。掖垣一树独开迟，嫩叶茱萸抱香萼。朝来小雨浥轻红，春色千重与万重。点注定知烦晓露，剪裁宁不费春工。春来到处寻桃李，不道东阑花自美。伤心世事总如花，何用劳劳行万里。——杨基《千叶桃花（并序）》

57.

谁测天工造化情，巧将红粉傅金英。武陵溪上分佳色，陶令篱边得异名。不使秋光全冷淡，却教阳艳再鲜明。瓮头消息香醪熟，何必黄花便可倾。——韩维《桃花菊·谁测天工造化情》

58.

隐隐飞桥隔野烟，石矶西畔问渔船。桃花尽日随流水，洞在清溪何处边。
。——张旭《桃花溪》

59.

桃红复含宿雨，柳绿更带朝烟。花落家童未扫，莺啼山客犹眠。——王维《田园乐·其六》

60.

小桃无主自开花，烟草茫茫带晓鸦。几处败垣围故井，向来一一是一家。
。——戴复古《淮村兵后》

61.

洛阳城里花如雪，陆浑山中今始发。旦别河桥杨柳风，夕卧伊川桃李月。伊川桃李正芳新，寒食山中酒复春。野老不知尧舜力，酣歌一曲太平人。——宋之问《寒食还陆浑别业》

62.

彭蠡湖天晚，桃花水气春。鸟飞千白点，日没半红轮。何必为迁客，无劳是病身。但来临此望，少有不愁人。——白居易《彭蠡湖晚归》

63.

春去也，共惜艳阳年。犹有桃花流水上，无辞竹叶醉尊前。惟待见青天。——刘禹锡《忆江南》

64.

浦口潮来沙尾涨。危樯半落帆游漾，水调不知何处唱。风淡荡。鳊鱼吹起桃花浪。雪尽小桥梅总放。层楼一任愁人上。万里长安回首望。山四向。澄江日色如春酿。——晁冲之《渔家傲·浦口潮来沙尾涨》

65.

桃花羞作无情死，感激东风。吹落娇红，飞入闲窗伴懊侬。谁怜辛苦东阳瘦，也为春慵。不及芙蓉，一片幽情冷处浓。——纳兰性德《采桑子·桃花羞作无情死》

66.

阴阴溪曲绿交加，小雨翻萍上浅沙。鹅鸭不知春去尽，争随流水趁桃花。——晁冲之《春日》

67.

野店桃花红粉姿，陌头杨柳绿烟丝。不因送客东城去，过却春光总不知。——赵孟頫《东城》

68.

千株含露态，何处照人红。风暖仙源里，春和水国中。流莺应见落，舞蝶未知空。拟欲求图画，枝枝带竹丛。——齐己《桃花》

69.

凉月如眉挂柳湾，越中山色镜中看。兰溪三日桃花雨，半夜鲤鱼来上滩。
。——戴叔伦《兰溪棹歌》

70.

桃花浅深处，似匀深浅妆。春风助肠断，吹落白衣裳。——元稹《桃花》

71.

山桃红花满上头，蜀江春水拍山流。花红易衰似郎意，水流无限似侬愁。
。——刘禹锡《竹枝词·山桃红花满上头》

72.

雨过横塘水满堤，乱山高下路东西。一番桃李花开尽，惟有青青草色齐。
。——曾巩《城南》

73.

桃花春色暖先开，明媚谁人不看来。可惜狂风吹落后，殷红片片点莓苔。
。——周朴《桃花》

74.

竹外桃花三两枝，春江水暖鸭先知。蒌蒿满地芦芽短，正是河豚欲上时。
。两两归鸿欲破群，依依还似北归人。遥知朔漠多风雪，更待江南半月春。
。——苏轼《惠崇春江晚景/惠崇春江晓景》

75.

一帘红雨桃花谢，十里清阴柳影斜。洛阳花酒一时别。春去也，闲煞旧蜂蝶。
。——胡祇遹《阳春曲·春景》

76.

竹外桃花三两枝，春江水暖鸭先知。蒌蒿满地芦芽短，正是河豚欲上时。
。——苏轼《惠崇春江晚景》

77.

山泉散漫绕街流，万树桃花映小楼。闲读道书慵未起，水晶帘下看梳头。
。——白居易《离思五首·其二》

78.

年少刘郎初见时，似笑东风三两枝。刘郎白发欲再见，前溪落尽迷佳期。
。——李新《桃花》

79.

桃花零落怨春回，松下朱门向水开。燕子不知非旧客，依然还取故巢来。
。——张嶠《二月二十四日至魏塘七首·桃花零落怨春回》

80.

尽是刘郎手自栽，刘郎去后几番开。东君有意能相顾，蛱蝶无情更不来。
。——朱淑真《窗西桃花盛开》

81.

黄师塔前江水东，春光懒困倚微风。桃花一簇开无主，可爱深红爱浅红？
——杜甫《江畔独步寻花·其五》

本文链接：<https://duanjuziku.com/duanjuzi/zn6mp4jlte.html>